

TRIDIN-P SYRUP

Triprolidine Hydrochloride/Pseudoephedrine Hydrochloride (1.25mg/30mg per 5ml)

Apakah yang ada pada risalah ini

1. Apakah kegunaan Tridin-P Syrup
2. Bagaimana Tridin-P Syrup berfungsi
3. Sebelum menggunakan Tridin-P Syrup
4. Cara menggunakan Tridin-P Syrup
5. Semasa menggunakan Tridin-P Syrup
6. Kesan-kesan sampingan
7. Cara penyimpanan dan pelupusan Tridin-P Syrup
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Tridin-P Syrup

Ia digunakan untuk melegakan sumbatan bahagian nasofarinks (bahagian atas kerongkong dan belakang hidung) dan otik (bahagian yang menghubungkan kerongkong dengan telinga). Ia boleh digunakan untuk rawatan simptomatik untuk penyakit alergik *rhinitis* bermusim atau *perennial* (simptom wujud sepanjang tahun) dan *rhinitis* bukan alergik (keradangan pada membran dalam hidung).

Bagaimana Tridin-P Syrup berfungsi

Pseudoephedrine Hydrochloride dan Triprolidine Hydrochloride adalah kandungan aktif Tridin-P Syrup. Triprolidine adalah sejenis antihistamin yang boleh bertindak dengan lama, berfungsi dengan menghalang kesan histamin, bahan kimia semula jadi di dalam badan. Ini akan menghasilkan kesan lega secara simptomatik dalam keadaan alergik, akibat daripada pelepasan histamin.

Pseudoephedrine boleh mengecutkan membran mukosa hidung yang bengkak, mengurangkan hiperemia tisu (darah berlebihan dalam anggota badan), edema (pembengkakan tisu lembut akibat pengumpulan cecair yang berlebihan) dan saluran hidung yang tersumbat dan melancarkan saluran hidung untuk bernafasan.

Sebelum menggunakan Tridin-P Syrup

- Bila tidak boleh menggunakan

- Jika anda hipersensitif terhadap Triprolidine atau Pseudoephedrine dan bahan-bahan lain dalam Tridin-P Syrup.
- Jika anda alergik kepada ubat antihistamin yang lain atau ubat simpatomimetik.
- Jika anda sedang mengandung atau menyusu bayi.
- Jika anda mengambil ubat perencat *monoamine oxidase* (MAO). Ubat ini tidak harus diambil semasa atau dalam 14 hari berikutan pengambilan ubat perencat MAO.
- Jika anda mempunyai penyakit darah tinggi, kelenjar tiroid yang hiperaktif, penyakit jantung iskemik (pengurangan bekalan darah kepada jantung) atau penyakit cerebrovaskular (penyakit yang boleh menjejaskan pengaliran darah ke otak).
- Kanak-kanak di bawah 2 tahun.
- Bayi baru lahir atau bayi pramatang.

- Sebelum mula menggunakan

Tridin-P Syrup

Anda harus beritahu doktor anda sekiranya:

- Anda alergik terhadap ubat yang anda pernah ambil untuk merawat keadaan semasa anda.
- Anda hamil, sedang merancang untuk hamil atau menyusu.
- Anda mempunyai penyakit *closed-angle glaucoma* (peningkatan tekanan dalam mata), pembesaran kelenjar prostat, kencing manis, sawan, *stenosing peptic ulcer* (ulser pada permukaan saluran pencernaan) dan halangan usus (halangan yang lengkap atau separa pada usus).

- Jika mengambil ubat-ubat lain

Ubat-ubat berikutnya mungkin berinteraksi dengan Tridin-P Syrup:

- Alkohol, atau depresan sistem saraf pusat atau ubat anti-kemurungan jenis tricyclic – penggunaan bersama mungkin meningkatkan kesan sedatif.
- Agen-agen penghalang beta-adrenergik – penggunaan bersama mungkin meningkatkan kesan *pressor* (meningkatkan tekanan darah) dari pseudoephedrine.
- Digitalis glycosides – penggunaan bersama akan meningkatkan peluang untuk mendapat penyakit aritmia jantung (ritma denyutan jantung yang tidak tetap)
- Guanethidin, Mecamylamine, Methyldopa, Reserpine atau alkaloid Veratrum – kesan hipotensi (tekanan darah rendah) mungkin berkurang.
- Perencat Monoamine Oxidase (MAO) – penggunaan bersama akan meningkatkan kesan *pressor* dari Pseudoephedrine, mungkin akan mengakibatkan situasi krisis hipertensi (situasi di mana tekanan darah sangat tinggi).
- Agen simpatomimetik lain – penggunaan bersama mungkin akan meningkatkan kesan salah satu ubat dan juga kesan sampingannya.

Sentiasa beritahu doktor atau ahli farmasi anda sekiranya anda sedang mengambil mana-mana ubat, termasuk tonik herba, pelengkap tambahan dan ubat yang dibeli tanpa preskripsi.

Cara menggunakan Tridin-P Syrup

Sentiasa mengambil ubat dengan tepat seperti yang diberitahu oleh doktor anda. Anda perlu merujuk kepada doktor atau ahli farmasi anda sekiranya anda tidak pasti.

- Berapa banyak harus digunakan
Dewasa dan kanak-kanak berumur 12 tahun ke atas:
10ml sirap tiga atau empat kali sehari bila perlu; tidak melebihi 40ml sirap sehari.

Kanak-kanak berumur di bawah 12 tahun:
6-12 tahun: 5ml sirap tiga atau empat kali sehari bila perlu; tidak melebihi 20ml sirap sehari.

4-6 tahun: 3.75ml sirap tiga atau empat kali sehari bila perlu; tidak melebihi 15ml sirap sehari.

2-4 tahun: 2.5ml sirap tiga atau empat kali sehari bila perlu; tidak melebihi 10ml sirap sehari.

Tidak sesuai untuk digunakan oleh kanak-kanak bawah 2 tahun.

Ubat ini harus digunakan dengan cermat dan di bawah saranan doktor atau ahli farmasi untuk kanak-kanak antara 2-6 tahun.

- Bila perlu digunakan
Doktor anda akan menentukan bila anda sesuai untuk menggunakan ubat ini. Ubat ini boleh diambil bersama makanan atau dengan susu untuk mengurangkan iritasi gastrik. Untuk mengurangkan kemungkinan sukar tidur akibat kesan Pseudoephedrine, dos terakhir bagi setiap hari harus diambil beberapa jam sebelum waktu tidur. Jangan ambil ubat ini melebihi dos harian yang disyorkan.

- Berapa lama perlu digunakan
Terus menggunakan ubat ini untuk tempoh masa yang ditetapkan oleh doktor anda.

- Jika terlupa menggunakan

- Sekiranya anda terlupa satu dos, ambil dos itu dengan segera sebaik sahaja teringat
- Tetapi, sekiranya telah hampir masa untuk dos berikutnya, abaikan dos yang tertinggal.
- Jangan mengambil dos berganda untuk menggantikan dos yang terlupa.

- Jika mengguna berlebihan (terlebih dos)

Simptom-simptom termasuk mengantuk, tekanan darah rendah, kelemahan otot dan bergetar, pergerakan tidak selaras, sakit kepala, halusinasi, jantung berdebar dengan laju, kesukaran membuang air kecil, rehat tidak mencukupi, konvulsi (kekejangan otot yang tidak dapat dikawal), tekanan darah tinggi, takikardia (peningkatan kadar denyutan jantung).

Hubungi doktor anda dengan segera atau pergi ke Jabatan Kecemasan hospital terdekat, jika anda berfikir anda atau sesiapa sahaja yang mungkin terambil dos berlebihan.

Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Semasa menggunakan Tridin-P Syrup

- Perkara yang perlu dilakukan
Hubungi doktor anda jika simptom-simptom telah melarat atau keadaan anda tidak bertambah pulih. Hubungi doktor anda sekiranya anda hamil semasa menggunakan Tridin-P Syrup.

- Perkara yang tidak boleh dilakukan
Jangan beri Tridin-P Syrup kepada orang lain walaupun simptom mereka seolah-olah serupa ataupun mereka mempunyai keadaan yang sama seperti anda. Doktor anda telah mempreskripsikan Tridin-P Syrup untuk anda dan keadaan anda.

- Perkara yang perlu diberi perhatian
Ubat ini boleh menyebabkan mengantuk, pening atau kurang peka. Elak mengambil sirap ini jika anda perlu mengendalikan sebarang jentera atau memandu kenderaan.

Elak mengambil sirap ini bersama ubat-ubatan yang mengandungi Pseudoephedrine Hydrochloride atau Triprolidine Hydrochloride. Elak daripada pengambilan alkohol.

Kesan-kesan sampingan

Seperti ubat-ubat lain, Tridin-P Syrup mempunyai kesan sampingan

walaupun tidak semua orang mendapatnya. Kesan-kesan sampingan berikut mungkin terjadi dengan ubat ini:

- Rasa mengantuk dan mulut rasa kering, sukar untuk tidur mungkin akan berlaku.
- Kesukaran membuang air kecil, sakit kepala, hilang selera makan, loya atau muntah, kegelisahan, kelemahan yang datang dengan tiba-tiba, peningkatan kadar denyutan atau debaran jantung yang tiba-tiba, sakit perut dan ruam kulit mungkin berlaku.
- Dalam dos yang tinggi: berkahyal, rasa hati berdebar, tekanan darah tinggi, kadar denyutan jantung yang tinggi dan konvulsi mungkin berlaku.

Sekiranya mana-mana kesan sampingan menjadi serius, atau anda mengalami kesan sampingan yang tidak disenaraikan dalam risalah ini, sila beritahu doktor atau ahli farmasi anda.

Berjumpa dengan doktor atau ahli farmasi anda jika terdapat keraguan atau sebarang informasi selanjutnya.

Anda boleh melaporkan sebarang kesan sampingan atau reaksi buruk ubat terus kepada Adverse Ubat Kebangsaan melalui laman web npra.gov.my [Consumers → Reporting Side Effects to Medicines (ConSERF) or Vaccines (AEFI)].

Cara penyimpanan dan pelupusan Tridin-P Syrup

- Penyimpanan
Jangan guna selepas tarikh luput yang dinyatakan pada bungkusan. Tarikh luput merujuk kepada hari terakhir bulan tersebut.

Simpan pada suhu kurang daripada 30°C. Lindungi daripada cahaya, haba dan pembekuan.

Jauhi daripada kanak-kanak.

- Pelupusan
Ubat-ubatan tidak harus dilupuskan melalui sisa air atau sisa isi rumah. Tanya ahli farmasi anda cara-cara pelupusan ubat-ubatan yang tidak lagi diperlukan. Langkah-langkah

ini akan membantu memelihara alam sekitar.

Maklumat lanjut

- Rupa dan warna produk
Sirap ini berwarna kuning dengan perisa lemon dan berasa manis. Ia dibekalkan dalam botol plastik 60ml.

- Bahan-bahan kandungan
 - Bahan aktif
Pseudoephedrine Hydrochloride, Triprolidine Hydrochloride.

 - Bahan tak aktif
Bahan-bahan kandungan lain termasuk Lemon Essence, Methylparaben, Propylparaben, Propylene Glycol, Quinoline Yellow dan Sucrose Suspension Grade.

- Nombor MAL
MAL19900412AZ

Pengilang dan Pemegang Pendaftaran Produk

Malaysian Pharmaceutical Industries Sdn Bhd.
Plot 14, Lebuhraya Kampung Jawa,
11900 Bayan Lepas, Pulau Pinang,
Malaysia.

Tarikh kemaskini RiMUP

20/11/2020

Nombor Siri:

BPFK(R4/1)040417/00051